

25. október 2019

Umhverfis og auðlindaráðuneytið
Skuggasundi 1
101 Reykjavík

**Umsögn Heilbrigðisnefndar Austurlands um mál nr. 243/2019 í samráðsgátt.
Frumvarp, hollustuhættir og mengunarvarnir (viðaukar)**

Á 152. fundi Heilbrigðisnefndar Austurlands sem haldin var þann 15. október sl. var ofangreint frumvarp tekið til umfjöllunar

Eftirfarandi var fært til bókar í fundargerð:

Heilbrigðisnefnd telur fulla ástæðu til þess að breyta viðaukunum laganna og draga úr eftirliti eða jafnvel fella niður eftirlitsskyldu hjá tilteknum flokkum fyrirtækja. Hins vegar er að mati nefndarinnar alltof langt gengið í að fella niður eftirlitsskyldu í frumvarpinu og umhugsunarefni að ráðuneyti umhverfismála skuli leggja til að eftirlitsskylda verði felld niður með fyrirtækjum á borð við stórar spennistöðvar og verkstæðisaðstöðu verktaka með eigin vélar. Þá bendir nefndin á að í frumvarpinu hefði þurft að gera betur grein fyrir áhrifum þess á afkomu sveitarfélaga á sama hátt og gert er varðandi afkomu ríkissjóðs. Verði frumvarpið að lögum í óbreyttri mynd skerðast tekjur Heilbrigðiseftirlits Austurlands vegna eftirlitsskyldrar starfsemi um 12%. Gera má ráð fyrir því að útgjöld sveitarfélaga geti aukist í takt við minnkandi tekjur HAUST þar sem þau bera fjárhagslega ábyrgð á rekstrinum.

Heilbrigðisnefnd Austurlands leggur til að frumvarpið verði dregið til baka og unnið betur og þá með markmið laga um hollustuhætti og mengunarvarna að leiðarljósi. Mikilvægt er að sú vinna fari fram í samráði við aðila sem þekkja til málaflokksins og eiga hagsmuna að gæta, þar á meðal sveitarfélög og heilbrigðisnefndir þeirra. Heilbrigðisnefnd Austurlands lýsir yfir vilja sínum til að koma að þeirri vinnu verði eftir því leitað.

Virðingarfyllst, f.h. Heilbrigðisnefndar
Austurlands

